



Broj: 16-12-16-2-3117-36/16
I. Sarajevo, 12.10 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. Zakona o javnim nabavkama ("Službeni glasnik BiH", broj 39/14), nakon provedenog postupka po Rješenju Ureda za razmatranje žalbi broj JN2-01-07-1-469-6/16 od 15.09.2016. godine, na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-3117/16 od 11.10.2016. godine, u ponovnom postupku javne nabavke usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Državne agencije za istrage i zaštitu, direktor Državne agencije za istrage i zaštitu, d o n o s i

O D L U K U

o izboru najpovoljnijeg ponuđača u otvorenom postupku za dostavljanje ponuda za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Državne agencije za istrage i zaštitu

Član 1.

Prihvata se preporuka Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-3117/16 od 11.10.2016. godine, u otvorenom postupku za dostavljanje ponuda za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Državne agencije za istrage i zaštitu i okvirni sporazum za period od dvije godine, dodjeljuje ponuđaču „Mtel“ a.d. Banja Luka, ponuda broj 16-12-16-2-3117-19/16 od 12.07.2016. godine, za ponudenu cijenu od 78.053,00 KM bez uračunatog PDV-a.

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 3.

Odluka stupa na snagu danom donošenja.

O b r a z l o ž e n j e

Direktor Državne agencije za istrage i zaštitu (u daljem tekstu: Agencija), na preporuku Komisije II za provođenje postupka nabavke za potrebe Državne agencije za istrage i zaštitu u 2016. godini broj 16-12-16-2-3117/16 od 02.08.2016. godine (u daljem tekstu: Komisija), donio je Odluku o izboru najpovoljnijeg ponuđača u otvorenom postupku za dostavljanje ponuda za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije broj 16-12-16-2-3117-24/16 od

04.08.2016. godine. Navedenom odlukom ugovor za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije, dodijeljen je ponuđaču „Mtel“ a.d. Banja Luka, ponuda broj 16-12-16-2-3117-19/16 od 12.07.2016. godine, za ponuđenu cijenu od 78.053,00 KM bez uračunatog PDV-a.

Dana 15.08.2016. godine ponuđač “BH Telecom” d.d. Sarajevo, kojeg zastupa direktor Direkcije Sarajevo mr. Kemal Avdagić, dipl.ing.el. (u daljem tekstu: žalitelj), uložio je žalbu na Odluku o izboru najpovoljnijeg ponuđača u otvorenom postupku za dostavljanje ponuda za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije broj 16-12-16-2-3117-24/16 od 04.08.2016. godine, zbog bitnih povreda odredaba Zakona o javnim nabavkama (“Službeni glasnik BiH”, broj 39/14)(u daljem tekstu: Zakon), predložio da ugovorni organ poništi navedenu odluku, te predmet vrati na ponovno rješavanje ili u cijelosti poništi predmetni postupak javne nabavke uz nadoknadu troškova postupka ponuđaču, koja se sastoji od vrijednosti iznosa naknade za pokretanje postupka u skladu sa članom 108. Zakona. Žalitelj navodi da je ugovorni organ pogrešno primijenio član 66. stav (2) Zakona, da je u odnosu na cijenu izabranog ponuđača nekritički prihvatio obrazloženje cijene za koju je utvrdio da je neprirodna niska. Žalitelj navodi da je ugovorni organ utvrdio da je cijena izabranog ponuđača za više od 20% niža od cijene žalitelja, bez da je utvrdio tačan procenat razlike cijene ponuđača. Žalitelj navodi da je ugovorni organ primijenio član 17. stav (7) tačka b) Uputstva za pripremu modela tenderske dokumentacije i ponuda (“Službeni glasnik BiH”, broj 90/14), a da je s tim u vezi od ponuđača „Mtel“ a.d. Banja Luka tražio obrazloženje neprirodna niske cijene ponude. Žalitelj navodi da pojašnjenje ponuđača „Mtel“ a.d. Banja Luka broj 1-04-74-11356/16 od 28.07.2016. godine ne sadrži sve elemente predviđene istim, a koji su minimum uslova na osnovu kojih bi razmatrano pojašnjenje cijene izabranog ponuđača moglo biti prihvaćeno kao adekvatno od strane ugovornog organa. Pojašnjenje drastične razlike cijene izabranog ponuđača je da posjeduje izgrađenu infrastrukturu do lokacija na kojoj se zahtjeva pružanje predmetnih usluga i da nisu potrebna dodatna ulaganja po tom osnovu, te da ima angažovano tehničko osoblje potrebno za realizaciju i održavanje usluge i da neće postojati dodatni troškovi po tom osnovu. Žalitelj navodi da je ugovorni organ navedeno pojašnjenje uzeo kao prihvatljivo bez da je jasno obrazložio razloge zbog kojih isto smatra prihvatljivim kao i međuuslovljenost iznosa navodnih dodatnih ulaganja u infrastrukturu sa konačno formiranom cijenom i to na način koja su to ulaganja, koja je struktura istih, koji iznos, te na koji način bi isto uticalo na konačni iznos stvarne vrijednosti ponude izabranog ponuđača. Dalje žalitelj navodi da vrijednost robe koju ugovorni organ nabavlja značajno prelazi vrijednost predmeta nabavke usluga, koju okolnost izabrani ponuđač nije pojasnio prilikom obrazloženja neprirodno niske cijene ponude, a koje je trebalo da sadrži i maloprodajnu vrijednost aparata po tipovima, količini i u konačnici ukupno u odnosu na vrijednost ponude.

Agencija je u skladu sa odredbama člana 100. stav (5) Zakona, žalbu zajedno sa Izjašnjenjem broj 16-12-16-2-3117-30/16 od 18.08.2016. godine i kompletnom dokumentacijom dostavila Uredu za razmatranje žalbi na dalje postupanje.

U postupku rješavanja po žalbi žalitelja, Ured za razmatranje žalbi donio je Rješenje broj JN2-01-07-1-469-6/16 od 15.09.2016. godine, kojim je usvojio žalbu žalitelja i poništio Odluku o izboru najpovoljnijeg ponuđača u otvorenom postupku za dostavljanje ponuda za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije broj 16-12-16-2-3117-24/16 od 04.08.2016. godine, te predmet vratio na ponovni postupak. Rješenjem Ureda za razmatranje žalbi žalba žalitelja je ocijenjena kao osnovana, na način da je ugovorni organ pravilno ocijenio za potrebnim pokrenuti proceduru u skladu sa članom 66. stav (2) Zakona, odnosno 17. stav (7) tačka b) Uputstva za pripremu modela tenderske dokumentacije i ponuda, a da ponuđač „Mtel“ a.d. Banja Luka u dostavljenom pojašnjenju nije ponudio konkretnu i detaljnu informaciju o relevantnim sastavnim elementima ponude uključujući cijene. Dalje Ured za razmatranje žalbi traži da ugovorni organ ponovi radnje postupka, te pravilnije pristupi predmetnom pitanju tražeći cjelovito obrazloženje cijene ponude.

Komisija je postupajući po rješenju Ureda za razmatranje žalbi provela ponovni postupak javne nabavke usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije. Tokom provođenja ponovnog postupka Komisija je utvrdila da je Odlukom direktora Agencije broj 16-12-16-2-3117-1/16 od 26.04.2016. godine, pokrenut otvoreni postupak javne nabavke usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije, za period od dvije godine, procijenjene vrijednosti 144.000,00 KM bez uračunatog PDV-a, za koji je obavještenje o javnoj nabavci broj 1161-1-2-343-3-16/16 objavljeno u „Službenom glasniku BiH“ broj 33/16, a ispravka obavještenja o javnoj nabavci broj 1161-1-2-343-8-35/16 je objavljena u „Službenom glasniku BiH“ broj 50/16.

Tokom provođenja ponovnog postupka Komisija je utvrdila da su dostavljene ukupno dvije ponude i to:

Redni broj	Naziv ponuđača	Vrijednost ponude bez PDV-a
1.	„Mtel“ a.d. Banja Luka	78.053,00 KM
2.	„BH Telecom“ d.d. Sarajevo	206.988.70 KM

Komisija je u ponovnom postupku utvrdila da ponuđači „Mtel“ a.d. Banja Luka i „BH Telecom“ d.d. Sarajevo, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji. Takođe Komisija je utvrdila da ponude ponuđača „Mtel“ a.d. Banja Luka i „BH Telecom“ d.d. Sarajevo zadovoljavaju tehničke uslove postavljene Tenderskom dokumentacijom (akt Sektora za operativnu podršku broj 16-12-16-2-3117/16 od 13.07.2016. godine).

Komisija je utvrdila da je ponuđač „Mtel“ a.d. Banja Luka kao dokaz neprirodno niske cijene u odnosu na ponudu ponuđača „BH Telecom“ d.d. Sarajevo, u skladu sa odredbom člana 66. Zakona i člana 17. stav (7) tačka b) Uputstva za pripremu modela Tenderske dokumentacije i ponuda, dostavio pojašnjenje cijene ponude za javnu nabavku usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije (akt broj 1-04-74-11356-1/16 od 28.07.2016. godine), u kojem stoji slijedeće:

- „Mtel“ a.d. Banja Luka posjeduje neophodnu infrastrukturu za pružanje usluge i nisu potrebna dodatna ulaganja po tom osnovu, budući da u formiranju cijene usluge značajan dio čini ulaganje u infrastrukturu, te je u tom slučaju „Mtel“ a.d. Banja Luka u poziciji da cijenu usluge formira na način da cijena bude konkurentna na tržištu i isplativa za „Mtel“ a.d. Banja Luka;

- „Mtel“ a.d. Banja Luka ima angažovano tehničko osoblje koje je potrebno za realizaciju i održavanje usluge i neće postojati dodatni troškovi po tom osnovu, jer time koristi ekonomičnost proizvodnog procesa za pružanje usluge;

- „Mtel“ a.d. Banja Luka na osnovu Opštih uslova za pružanje telekomunikacionih usluga može pružiti usluge pod posebnim uslovima na način da može utvrditi posebne odredbe ugovora za poslovne pretplatnike za način pružanja usluge koje se odnose na popuste na cijene usluge, posebne uslove plaćanja, različita sredstva obezbjeđenja, posebne tehničke uslove i sl. na osnovu objektivnih elemenata koje uključuju minimalan period trajanja ugovora, obim korištenja usluge/a (broj priključaka, kapaciteta i sl), prosječni mjesečni iznos mjesečnog računa i vremenski period u kojem je poslovni pretplanik prethodno koristio usluge Mtela;

- „Mtel“ a.d. Banja Luka kao dio Telekom Srbija grupe ima povlaštene cijene interkonekcije za pozive prema destinacijama u Srbiji i Crnoj Gori;

- „Mtel“ a.d. Banja Luka je formirao cijenu mjesečne pretplate i cijene razgovora koje omogućavaju ekonomsku isplativost za ponuđača kao i za naručioca usluge, te da su cijene mobilnih telefonskih aparata formirane na osnovu zahtjeva naručioca usluge za maksimalnim cijenama pojedinih tipova uređaja.

Postupajući po Rješenju Ureda za razmatranje žalbi broj JN2-01-07-1-469-6/16 od 15.09.2016. godine, Komisija je u ponovnom postupku aktom broj 16-12-16-2-3117-33/16 od 28.09.2016. godine od ponuđača „Mtel“ a.d. Banja Luka tražila pojašnjenje Obrasca za cijenu ponude usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije (PRILOG IV), cijene iz specifikacije koje uključuju (cijene mjesečnih pretplata (TABELA broj 1), cijene razgovora prema mobilnim i fiksnim mrežama u BiH (TABELA broj 2), cijena razgovora prema mobilnim i fiksnim mrežama susjednih zemalja (TABELA broj 3), te cijene mobilnih telefonskih aparata (TABELA broj 4). Komisija je tražila adekvatne razloge koji opravdavaju ponuđene cijene i odgovarajuću kalkulaciju/elemente ponuđenih cijena, te cjelovitu ocjenu istih. Ponuđač „Mtel“ a.d. Banja Luka je aktom broj 1-04-74-14355/16 od 03.10.2016. godine dostavio traženo pojašnjenje, u kojem je naveo detaljnu analitičku cijenovnu projekciju svoje ponude po stavkama korištenja postojeće infrastrukture, održavanje postojeće infrastrukture, angažovanja osoblja i troškove nabavke mobilnih uređaja, te analitičko-matematički prikaz u ukupnom iznosu od 78.053,00 KM bez uračunatog PDV-a, u kojem je naveo slijedeće:

- „Mtel“ a.d. Banja Luka je trenutni pružalac usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije i tokom pružanja usluga u proteklom dvogodišnjem periodu u potpunosti optimizovao mrežu i obezbijedio pružanje usluge na najvišem nivou na lokacijama i u objektima Agencije. Budući da u formiranju cijene usluge značajan dio čini ulaganje u infrastrukturu „Mtel“ a.d. Banja Luka je u ovom slučaju u poziciji da cijenu usluge formira na način da ona bude konkurentna na tržištu i isplativa za „Mtel“ a.d. Banja Luka. „Mtel“ a.d. Banja Luka koristi izabrano tehničko rješenje i izuzetno pogodne uslove (član 66. stav (2) tačka (b) Zakona), te ima angažovano osoblje potrebno za realizaciju i održavanje navedenih usluga, tako da koristi ekonomičnost proizvodnog procesa pružanja usluga (član 66. stav (2) tačka (a) Zakona).

- U obrazloženju cijene mjesečnih pretplata (TABELA broj 1), ponuđač „Mtel“ a.d. Banja Luka je u skladu sa tačkom 8. Tenderske dokumentacije ugovornom organu za 387 korisnika za potrebe Agencije, koja obuhvata mjesečnu pretplatu za dva profila korisnika (profil I za 225 korisnika, profil II za 162 korisnika), te mjesečnu pretplatu za VPN grupu (jedna grupa), omogućio besplatan pristup internetu sa limitom potrošnje od 500 MB, te sve popuste i pogodnosti koje bi se dobile kroz korištenje bonusa za saobraćaj (osim pristupa internetu) iskazane su kroz jediničnu cijenu pretplate od 3,30 KM, ukupno 30.650,40 KM za period od 24 mjeseca;

- U obrazloženju cijene razgovora prema mobilnim i fiksnim mrežama u BiH (TABELA broj 2), ponuđač „Mtel“ a.d. Banja Luka navodi da od ukupne količine saobraćaja koja je predviđena (TABELA broj 2), preko 42 % saobraćaja je prema Mtel mreži, te za taj utrošak „Mtel“ a.d. Banja Luka nema trošak interkonekcije. „Mtel“ a.d. Banja Luka je ponudio ukupnu cijenu od 25.320,00 KM, od čega je trošak interkonekcije za predviđenu količinu saobraćaja 13.819,20 KM.

- U obrazloženju cijene razgovora prema mobilnim i fiksnim mrežama susjednih zemalja (TABELA broj 3), ponuđač „Mtel“ a.d. Banja Luka navodi da kao dio Telekoma Srbija grupe, ima povlaštene cijene interkonekcije za pozive prema destinacijama u Srbiji i Crnoj Gori, te da je ponudio ukupnu cijenu za usluge po cijeni od 15.096,00 KM, od čega je trošak interkonekcije za predviđenu količinu saobraćaja 12.125,28 KM.

- U obrazloženju cijene mobilnih telefonskih aparata (TABELA br. 4) ponuđač „Mtel“ a.d. Banja Luka navodi da su cijene mobilnih telefonskih aparata formirane na osnovu zahtjeva ugovornog organa, tako da je „Mtel“ a.d. Banja Luka za 312 aparata Tipa 1 ponudio cijenu 1,00 KM, za 55 aparata Tip 2 ponudio cijenu 49,00 KM, te za 20 aparata Tipa 3

ponudio cijenu 199,00 KM, što ukupni troškovi nabavke mobilnih telefonskih aparata za predviđene količine iznosi 36.195,70 KM.

Ponuđač „Mtel“ a.d. Banja Luka analizirajući zahtjeve iz Tenderske dokumentacije, obrazložio troškove koje će imati u toku 24 mjeseca prilikom pružanja usluga uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije, te naveo slijedeće:

- korištenje postojeće infrastrukture i opreme iznosi 1.850,00 KM;
- održavanje postojeće infrastrukture, samostalno i kroz ugovore podrške sa isporučiocima sistema i opreme (bazne stanice, komutacioni sistem, prenosni sistem, sistemi za nadzor i podršku), iznosi 3.200,00 KM;
- angažovanje osoblja potrebnog za pružanje traženih usluga (redovni radovi na sistemima, organizovanje dežurne službe, kontrola kvaliteta usluge), iznosi 2.500,00 KM;
- troškovi interkonekcije za pozive prema mrežama drugih mobilnih operatera iznose 25.944,48 KM;
- nabavka telefonskih aparata iznosi 36.195,70 KM.

Ukupno predviđeni trošak koji će „Mtel“ a.d. Banja Luka imati za izvršavanje usluga iznose 69.690,18 KM, što kada se dodaju troškovi marže od 12%, ukupna cijena usluge na dvogodišnjem nivou iznosi 78.053,00 KM bez uračunatog PDV-a. „Mtel“ a.d. Banja Luka omogućava da cijena usluge bude ekonomski isplativa za ponuđača kao i da za naručioca usluge. Na osnovu Opštih uslova za pružanje telekomunikacionih usluga (član 32.), na koje postoji saglasnost Regulatorane agencija za komunikacije Bosne i Hercegovine, ponuđač „Mtel“ a.d. Banja Luka može utvrditi posebne odredbe ugovora za poslovne pretplatnike na način pružanja usluge koje se odnose na popuste na cijenu usluge, uvećanje cijene usluge, posebne uslove plaćanja, različita sredstva obezbjeđenja, posebne tehničke uslove i sl., a na osnovu objektivnih elemenata koji uključuju: minimalni period trajanja ugovora, obim korištenja usluge/a (broj priključaka, kapaciteta i sl.), prosječni iznos mjesečnog računa i vremenski period u kojem je poslovni pretplatnik prethodno koristio usluge Mtela.

Rješavajući u ponovnom postupku, uvidom u dostavljenu dokumentaciju ponuđača „Mtel“ a.d. Banja Luka (akt 1-04-74-11356-1/16 od 28.07.2016. godine i akt broj 1-04-74-14355/16 od 03.10.2016. godine), analizom svakog dokaza pojedinačno i u njihovoj međusobnoj vezi, Komisija je utvrdila da je ponuđač „Mtel“ a.d. Banja Luka u skladu sa članom 66. stav (2) Zakona, odnosno člana 17. stav (7) tačka b) Uputstva za pripremu modela tenderske dokumentacije i ponuda, obrazložio neprirodno nisku cijene svoje ponude, na način da je dostavio konkretnu i detaljnu informaciju o relevantnim sastavnim elementima svoje ponude, uključujući cijene mjesečnih pretplata, cijene razgovora prema mobilnim i fiksnim mrežama u BiH, cijene razgovora prema mobilnim i fiksnim mrežama susjednih zemalja, te cijene mobilnih telefonskih aparata.

Imajući u vidu činjenicu da je Agencija trenutni korisnik usluga ponuđača „Mtel“ a.d. Banja Luka, Komisija je utvrdila da ponuđač „Mtel“ a.d. Banja Luka ima mogućnost pružiti usluge pod posebnim uslovima svojim poslovnim korisnicima, na način da im omogući popuste na cijenu usluge, posebne tehničke uslove i sl., a na osnovu objektivnih elemenata koji uključuju minimalni period trajanja ugovora, obim korištenja usluge/a (broj priključaka, kapaciteta i sl.), prosječni iznos mjesečnog računa i vremenski period u kojem je poslovni pretplatnik prethodno koristio usluge Mtela.

Komisija je u ponovnom postupku utvrdila da cijena ponude ponuđača „BH Telecom“ d.d. Sarajevo iznosi 206.988.70 KM bez uračunatog PDV-a, te da ista premašuje procijenjenu vrijednost nabavke iz tačke I odluke (procijenjena vrijednost javne nabavke iznosi ukupno 144.000,00 KM bez uračunatog PDV-a). Analizom cijena ponuda Komisija je utvrdila da je ponuđač „BH Telecom“ d.d. Sarajevo u 2010. godini dostavio ponudu za pružanje usluga uspostavljanja jedinstvene poslovne VPN mreže u iznosu od 142.218,92 KM sa uračunatim PDV-om (Obrazac za cijenu konačne ponude Aneks 2), što u odnosu na trenutnu ponudu od 206.988.70 KM bez uračunatog PDV-a, predstavlja neprirodno visoku

cijenu, ako se uzme u obzir da su cijene telekomunikacijskih usluga na tržištu znatno smanjene. Komisija smatra da je u toku ponovnog postupka pravilno i zakonito primijenila propise materijalnog prava, postupajući po odredbi člana 66. stav (2) Zakona, odnosno člana 17. stav (7) tačka b) Uputstva za pripremu modela tenderske dokumentacije i ponuda, tražeći od ponuđača „Mtel“ a.d. Banja Luka objašnjenje neprirodno niske cijene (akt broj 1-04-74-11356-1/16 od 28.07.2016. godine i akt broj 1-04-74-14355/16 od 03.10.2016. godine).

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 20. Tenderske dokumentacije, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	Naziv ponuđača	Vrijednost ponude (bez PDV-a)
1.	„Mtel“ a.d. Banja Luka	78.053,00 KM
2.	„BH Telecom“ d.d. Sarajevo	206.988.70 KM

Nakon provednog postupka ocjenjivanja dostavljenih ponuda, te stručnog mišljenja Sektora za operativnu podršku, Komisija je utvrdila da je ponuda ponuđača „Mtel“ a.d. Banja Luka ocijenjena kao najpovoljnija, da ista ne premašuje procijenjenu vrijednost nabavke iz tačke I odluke.

Shodno navedenom, prihvaćen je prijedlog Komisije i odlučeno da se okvirni sporazum za period od dvije godine za uslugu uspostavljanja jedinstvene VPN grupe sa nabavkom mobilnih aparata za navedenu uslugu za potrebe Agencije, dodijeli ponuđaču „Mtel“ a.d. Banja Luka, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

